

[REDACTED]
[REDACTED]
Kenita Čakića, [REDACTED] rođenog
1994. godine u Bugojnu,

[REDACTED] državljanina BiH,

Armina Otuzbira, [REDACTED]
rođenog 1991. godine u Travniku,

[REDACTED] državljanina BiH,

Mirze Ramljaka, [REDACTED] rođenog
1985. godine, u Sarajevu,

Ivice Sabljo, [REDACTED] rođenog 1980.
godine u [REDACTED] Posušju,

[REDACTED] državljanina Bosne i
Hercegovine i Republike Hrvatske,

Zbog postojanja osnovane sumnje da su:

Rejhan Raković, Ensar Salčinović, Kenit Čakić i Armin Otuzbir:

U vremenskom periodu od novembra 2020.godine do 24.09.2021.godine, na području Bosne i Hercegovine, Rejhan Raković, u svojstvu službenog lica, u smislu člana 1. stav 3. Krivičnog zakona Bosne i Hercegovine, kao predsjednik Komisije za izbor kandidata - kadeta XI klase Granične policije Bosne i Hercegovine (u daljem tekstu: Komisija), koji je na navedenu poziciju imenovan Odlukom direktora Granične policije broj [REDACTED], kao policijski službenik Granične policije sa činom „Samostalni inspektor“, raspoređen na radno mjesto „Šef Odsjeka za prikrivene operacije“, u Odsjeku za prikrivene operacije Centralne istražne kancelarije Granične policije Bosne i Hercegovine, sa pravima i obavezama koja proizilaze iz ovlaštenja propisanih odredbom člana 51. Zakona o policijskim službenicima Bosne i Hercegovine, člana 10. Poslovnika o radu Komisije za izbor kandidata - kadeta XI klase Granične policije Bosne i Hercegovine broj [REDACTED] i broj [REDACTED] i odredbama članova od 2. do 12. Odluke o metodu, načinu i sistemu bodovanja testiranja kandidata za polaznike osnovne obuke prvog i drugog nivoa u Graničnoj policiji Bosne i Hercegovine broj [REDACTED] i Oduke o izmjeni Odluke broj [REDACTED] nakon što je Komisija za izbor kandidata - kadeta XI klase Granične policije BiH raspisala Javni oglas za prijem kadeta u činu „mlađi inspektor“ i činu „policajac“ Granične policije BiH broj [REDACTED] koji je objavljen 23.11.2020.godine (u daljem tekstu: Javni oglas) i to za prijem 125 kadeta u činu „policajac“ i 25 kadeta u činu „mlađi inspektor“, na koji Javni oglas je apliciralo 1658 kandidata, za čin „policajac“ i 519 kandidata za čin „mlađi inspektor“ koji ispunjavaju uslove oglasa, Rejhan Raković, s ciljem pribaljanja dara i imovinske koristi, svjesno i htijući udružio grupu ljudi u smislu člana 1. stav 20. KZ BiH, radi izvršenja krivičnih djela propisanih Krivičnim zakonom BiH i to primanje dara i drugih oblika koristi, i to policijskog službenika Granične policije BiH u činu „policajac“ Ensara Salčinovića, raspoređenog u Odsjeku za prikrivene operacije, kojem je Rejhan Raković neposredno pretpostavljeni kao Šef navedenog Odsjeka, te Kenita Čakića, sa kojim je Rejhan Raković u prijateljskim odnosima, kojoj grupi se pridružio i Armin Otuzbir, prijatelj Kenita Čakića, koji su u namjeri pribaljanja dara i imovinske koristi, svjesno i htijući postali pripadnici navedene grupe, pri čemu je svako od pripadnika grupe imao svoj udio u izvršenju krivičnih djela, a koja grupa je formirana sa ciljem pribaljanja imovinske koristi tako što bi pripadnici grupe po prethodnom dogovoru sa Rejhanom Rakovićem i po njegovim uputama, zahtjevali i primali novac od kandidata koji su aplicirali na Javni oglas, kako bi im Rejhan Raković korištenjem ovlaštenja predsjednika Komisije, omogućio dovoljan broj bodova da budu nominovani za zaposlenje na navedenom konkursu, pa je tako Rejhan Raković, kojem su u okviru funkcije predsjednika Komisije data ovlaštenja da zajedno sa članovima Komisije utvrđuje sadržaj testova uz odobrenje rukovodioca, da vrši provjeru stručne i druge sposobnosti kandidata kroz test opšteg znanja koji se sastoji od pisanog testa i eseja, zatim kroz test fizičke sposobnosti i intervju, te ovlaštenja da boduje ostvarene rezultate kandidata i utvrđuje konačan rezultat za svakog kandidata na osnovu ukupnog zbira rezultata svakog od testova, te nominuje kandidate koji imaju najveći broj bodova, radi zapošljavanja u skladu sa oglašenim brojem slobodnih radnih mjesta, nakon što je u

svojevremeno predsjednika Komisije za izbor kandidata - kadeta XI klase Granične policije Bosne i Hercegovine, saznao imena i podatke kandidata koji su aplicirali na radna mjesta raspisana ovim Javnim oglasom, ustupio imena i podatke većeg broja kandidata Ensaru Salčinoviću i Kenitu Čakiću, a Kenit Čakić imena određenog broja kandidata ustupio Arminu Otuzbiru, te članovima grupe dao upute da stupe u kontakt sa kandidatima i od istih zahtjevaju i primaju dar u vidu novca u iznosima od 10.000,00 KM do 30.000,00 KM, u zavisnosti na koju poziciju su kandidati aplicirali, i to od 10.000,00 do 20.000,00 KM da zahtjevaju od kandidata koji su aplicirali za čin „policajac“, a 30.000,00 KM od kandidata koji su aplicirali za čin „mlađi inspektor“, kako bi Rejhan Raković u okviru funkcije predsjednika Komisije, kandidatima omogućio dovoljan broj bodova za nominaciju na konkursu radi zapošljavanja, preduzimajući radnje koje ne bi smio izvršiti, tako što bi putem članova grupe kandidatima dostavljao pitanja iz posebnog pisanog testa sa tačnim odgovorima, ili pitanja koja će biti postavljena kandidatu na usmenom dijelu testa, ili bi u obrascima sa ocjenama za kandidata upisivao rezultate koje kandidati nisu ostvarili, suprotno odredbi člana 51. Zakona o policijskim službenicima Bosne i Hercegovine, člana 10. Poslovnika o radu Komisije za izbor kandidata - kadeta XI klase Granične policije Bosne i Hercegovine broj [REDACTED] i broj [REDACTED] i članovima od 3. do 12. Odluke o metodi, načinu i sistemu bodovanja testiranja kandidata za polaznike osnovne obuke prvog i drugog nivoa u Graničnoj policiji Bosne i Hercegovine broj [REDACTED] i Odlukom o izmjeni Odluke broj [REDACTED], svjestan i znajući da se bodovanje ostvarenih rezultata kandidata i njihovo nominovanje radi zapošljavanja vrši na osnovu rezultata testova koji su kandidati ostvarili za vrijeme održavanja testiranja, na koji način bi navedenim kandidatima omogućio dovoljan broj bodova kako bi bili nominovani radi zapošljavanja, te su Ensar Salčinović, Kenit Čakić i Armin Otuzbir svjesni da djeluju kao članovi grupe, u cilju da za Rejhana Rakovića i sebe pribave dar i imovinsku korist, u periodu od novembra 2020.godine do 24.09.2021.godine, posredovali u podmićivanju Rejhana Rakovića, kao službenog lica, na način da su po prethodnom dogovoru sa istim i po njegovim uputama, nakon što je Rejhan Raković pripadniku grupe Ensaru Salčinoviću dao podatke o većem broju kandidata, te između ostalog lične i kontakt podatke o kandidatima [REDACTED] a pripadniku grupe Kenitu Čakiću, lične i kontakt podatke o kandidatima [REDACTED] dok je Kenit Čakić podatke o kandidatima [REDACTED] ustupio pripadniku grupe Arminu Otuzbiru, da bi u cilju realizacije prethodnog dogovora, pripadnici grupe stupali u kontakt sa kandidatima i to putem aplikacije Messenger, Viber, Telegram ili putem GSM mreže ili neposredno, te od istih zahtjevali i primali novac u iznosima od 10.000,00 do 30.000,00 KM, kako bi Rejhan Raković u svojevremeno predsjednika Komisije preduzeo radnje koje ne bi smio preduzeti, na koji način bi navedenim kandidatima omogućio dovoljan broj i nominaciju za zapošljavanje na konkursu, a novac bi predavali Rejhanu Rakoviću, ili djelili između sebe pa su tako najmanje:

Rejhan Raković i Ensar Salčinović

1. U periodu od sredine 2021.godine do 24.09.2021.godine Ensar Salčinović, nakon što mu je Rejhan Raković, po prethodnom dogovoru, dao podatke o kandidatu [REDAKTIRANO], koji je aplicirao na Javni oglas za prijem kadeta Granične policije za čin „Policajac“ i uspješno završio test opšteg znanja, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Ensar Salčinović stupio u kontakt sa kandidatom [REDAKTIRANO] i od istog zahtjevao da plati iznos od 10.000,00 EURA, da bi navedeni iznos kasnije umanjio na 15.000,00 KM, govoreći da će mu na taj način „ljudi koji odlučuju o konkursu“ omogućiti dovoljan broj bodova za nominaciju i prijem u radni odnos po konkursu, da bi potom nakon što je [REDAKTIRANO] obavio usmeni dio testiranja- intervju, Ensar Salčinović u razgovoru sa kandidatom istom saopštio da je na usmenom dijelu testa ostvario loše rezultate, ali da će provjeriti dalju mogućnost prijema na konkursu, nakon čega je Ensar Salčinović, prije objave konačne liste nominovanih kandidata za prijem na konkursu, provjerio sa Rejhanom Rakovićem da li može omogućiti da [REDAKTIRANO] ostvari dovoljan broj bodova za nominaciju na konkursu, te nakon što je Raković Rejhan potvrdio Ensaru Salčinoviću da će na njemu poznat način, koristeći ovlaštenja predsjednika komisije omogućiti [REDAKTIRANO] dovoljan broj bodova da bude nominovan radi zapošljavanja po konkursu, Ensar Salčinović je isto saopštio kandidatu navodeći da „isto smatra završenim“ i sa [REDAKTIRANO] dogovorio da za ovu uslugu plati iznos od 15.000,00 KM i to nakon objave konačne liste nominovanih kandidata, da bi potom primopredaju novca odgodio za dan [REDAKTIRANO], do koje primopredaje nije došlo jer je Ensar Salčinović lišen slobode, dok je [REDAKTIRANO] Odlukom Komisije za izbor kandidata - kadeta XI klase Granične policije [REDAKTIRANO] nominovan za prijem na navedenom konkursu za čin „policajac“,

Rejhan Raković i Ensar Salčinović

2. U periodu od avgusta mjeseca 2021.godine do 24.09.2021.godine Ensar Salčinović, nakon što mu je Rejhan Raković, po prethodnom dogovoru, dao podatke o kandidatu [REDAKTIRANO], koja je aplicirala na Javni oglas za prijem kadeta Granične policije za čin „Policajac“ i uspješno završila test opšteg znanja i test fizičke spremnosti, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu

omogućio dovoljan broj bodova za nominaciju za zaposlenje na navedenom konkursu, da bi potom Ensar Salčinović putem aplikacije WhatsApp stupio u kontakt sa navedenim kandidatom i zatražio da se sastanu u Sarajevu, da bi se potom krajem avgusta 2021.godine sastali u Sarajevu kada joj je Ensar Salčinović zahtjevao iznos od najmanje 10.000,00 KM kako bi joj „ljudi koji odlučuju o konkursu“ obezbijedili dovoljan broj bodova koji će joj omogućiti prijem u radni odnos, na šta [REDACTED] nije pristala, da bi potom, nakon što je dana 20.09.2021.godine objavljena konačna lista nominovanih kandidata i [REDACTED] Odlukom Komisije za izbor kandidata – kadeta XI klase Granične policije broj [REDACTED] nominovana za prijem na navedenom konkursu za čin „policajac“, Ensar Salčinović ponovo kontaktirao [REDACTED] i saopštio joj „da oni sada traže 15.000,00 KM, na šta ista ponovo nije pristala,

Rejhan Raković i Ensar Salčinović

3. U periodu od avgusta 2021.godine do 24.09.2021.godine, Ensar Salčinović, nakon što mu je Rejhan Raković, po prethodnom dogovoru, dao podatke o kandidatu [REDACTED], koji je aplicirao na Javni oglas za prijem kadeta Granične policije za čin „Policajac“ i obavio test opšteg znanja i test fizičke spremnosti, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Ensar Salčinović putem aplikacije Viber pozvao kandidata [REDACTED] i zatražio mu da se sastanu [REDACTED] te kada su se sastali Ensar Salčinović je istom saopštio da treba da plati 10.000,00 EURA kako bi mi „ljudi iz Granične policije“ obezbijedili dovoljan broj bodova koji će mu omogućiti da bude nominovan za prijem u radni odnos po navedenom konkursu, a koji novac je dužan dati nakon objave konačnih rezultata, te nakon što je [REDACTED] pristao na to, Ensar Salčinović mu je saopštio koja će pitanja biti na usmenom dijelu testa, a koja je prethodno dobio od Rejhana Rakovića, da bi potom, prije sačinjavanja konačne liste rezultata, Rejhan Raković, nakon što je postignut dogovor o iznosu novca koji kandidat treba dati, preduzeo radnju koju nije smio preduzeti na način što je u Zbirnom obrascu za morfološki status TFS i za provjeru vještine plivanja, kandidata [REDACTED], pod šifrom [REDACTED] izmjenio ukupno ostvareni rezultat na način da je umjesto stvarno ostvarenih [REDACTED] bodova na ovom dijelu testiranja upisao kandidatu ukupno [REDACTED] ostvareni bod, koje kandidat nije ostvario, na koji način je kandidatu obezbijedio dovoljan broj bodova da bude nominovan radi zapošljavanja na konkursu, da bi potom nakon što je dana 20.09.2021.godine objavljena lista nominovanih kandidata i [REDACTED] Odlukom Komisije za izbor kandidata – kadeta XI klase Granične policije broj [REDACTED] nominovan za prijem na navedenom konkursu za čin „policajac“, Ensar Salčinović pozvao [REDACTED] da mu preda traženi iznos novca, te je [REDACTED] dana 20.09.2021.godine na području [REDACTED] predao Ensaru

Salčinoviću iznos od 10.000,00 EURA, da narednog dana [REDACTED] predao Ensaru Salčinoviću na njegovo traženje još 500,00 KM, navodeći da je dogovor bio 10.000,00 EURA ili 20.000,00 KM, a koji novac u iznosu od 10.000,00 EURA je Ensar Salčinović predao Rejhenu Rakoviću, a 500,00 KM zadržao za sebe, na koji način su Rejhan Raković i Ensar Salčinović za sebe pribavili dar u navedenim iznosima novca,

**Rejhan Raković i Ensar Salčinović,
Mirza Ramljak,**

4. U periodu od sredine 2021.godine do 24.09.2021.godine Ensar Salčinović, nakon što mu je Rejhan Raković, po prethodnom dogovoru, dao podatke o kandidatu Mirzi Ramljaku, koji je aplicirao na Javni oglas za prijem kadeta Granične policije za čin „Mlađi inspektor“ i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Ensar Salčinović pozvao Ramljak Mirzu i zatražio da se sastanu [REDACTED] u Sarajevu, gdje su se i sastali, te istom saopštio da treba dati iznos novca od 30.000,00 KM kako bi mi „ljudi iz Granične policije koji odlučuju o prijemu na konkurs“ obezbijedili dovoljan broj bodova koji će mu omogućiti da bude nominovan za prijem po navedenom konkursu za čin „Mlađi inspektor“, a koji novac je dužan dati nakon objave konačnih rezultata, a na šta je Ramljak Mirza pristao, kako bi navedeno službeno lice iz Granične policije koje odlučuje o prijemu po konkursu, preduzelo radnje koje ne smije preduzeti, protivno odredbi člana 51. Zakona o policijskim službenicima Bosne i Hercegovine, člana 10. Poslovnika o radu Komisije za izbor kandidata - kadeta XI klase Granične policije Bosne i Hercegovine broj [REDACTED] i broj [REDACTED] i članovima od 3. do 12. Odluke o metodi, načinu i sistemu bodovanja testiranja kandidata za polaznike osnovne obuke prvog i drugog nivoa u Graničnoj policiji Bosne i Hercegovine broj [REDACTED] i Odlukom o izmjeni Odluke broj [REDACTED], kako bi mu omogućilo dovoljan broj bodova za nominaciju na konkursu, nakon čega je Ensar Salčinović saopštio Mirzi Ramljaku koja će pitanja biti na usmenom dijelu testa, a koja je prethodno dobio od Rejhana Rakovića, da bi potom, prije sačinjavanja konačne liste rezultata, Rejhan Raković, nakon što je postignut dogovor o iznosu novca koji kandidat treba dati, preduzeo radnju koju nije smio preduzeti na način što je u Zbirnom obrascu za morfološki status TFS i za provjeru vještine plivanja, kandidata Ramljak Mirze, izmjenio ukupno ostavreni rezultat na način da je povećao broj bodova koje je kandidat ostvario na ovom dijelu testiranja, na koji način je kandidatu obezbjedio dovoljan broj bodova da bude nominovan radi zapošljavanja na konkursu, da bi potom nakon što je dana 20.09.2021.godine objavljena lista nominovanih kandidata i Mirza Ramljak Odlukom Komisije za izbor kandidata - kadeta XI klase Granične policije broj [REDACTED] nominovan za prijem na

navedenom konkursu za čin „Mlađi inspektor“, Ensar Salčinović pozvao Ramljak Mirzu da mu preda traženi iznos novca, te je Mirza Ramljak dana 20.09.2021.godine na području opštine Ilidža, predao Ensaru Salčinoviću iznos od 30.000,00 KM, a koji novac je Ensar Salčinović predao Rejhenu Rakoviću, na koji način je Rejhan Raković pribavio za sebe dar u navedenom iznosu novca,

Rejhan Raković i Ensar Salčinović

5. U periodu od avgusta mjeseca 2021.godine do 24.09.2021.godine Ensar Salčinović, nakon što mu je Rejhan Raković, po prethodnom dogovoru, dao podatke o kandidatu [REDACTED], koji je aplicirao na Javni oglas za prijem kadeta Granične policije za čin „Policajac“ i obavio test opšteg znanja i test fizičke spremnosti, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Ensar Salčinović pozvao [REDACTED] i zatražio mu da se sastanu u Sarajevu, da bi se potom krajem avgusta mjeseca 2021.godine sastali u Sarajevu kada mu je Ensar Salčinović zahtjevao iznos od 10.000,00 EURA kako bi mu „ljudi koji odlučuju o konkursu“ obezbijedili dovoljan broj bodova koji će mu omogućiti prijem u radni odnos po navedenom konkursu, na šta [REDACTED] nije pristao, te isti nije ni nominovan za zaposlenje po navedenom konkursu,

Rejhan Raković i Kenit Čakić

6. U periodu od novembra 2020.godine do 24.09.2021.godine, nakon što je Kenit Čakić saznao da je njegov poznanik [REDACTED] aplicirao na javni oglas za prijem kadeta u Graničnu policiju BiH za čin „Policajac“, a što mu je i potvrdio Rejhan Raković, te je po dogovoru sa Rejhanom Rakovićem da od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, Kenit Čakić stupio u kontakt sa kandidatom [REDACTED] te istom saopštio da treba dati iznos novca od 10.000,00 do 20.000,00 KM kako bi mi „ljudi iz Granične policije koji odlučuju o prijemu na konkurs“ obezbijedili dovoljan broj bodova da bude nominovan za zaposlenje po navedenom konkursu, a koji novac je dužan dati nakon objave konačnih rezultata, da bi potom u dogovoru sa Rejhanom Rakovićem, u namjeri da kandidat ostvari dovoljan broj bodova za nominaciju na konkursu, Kenit Čakić dostavio kandidatu pitanjima sa tačnim odgovorima na pitanja koja će biti na pismenom dijelu testa, kao i ona koja će komisija postavljati na intervjuu, koja je prethodno Kenit Čakić dobio od Rejhana Rakovića, da bi potom dana 04.09.2021.godine Kenit Čakić u razgovoru sa kandidatom istom rekao da se novac mora dati Rejhenu Rakoviću predsjedniku komisije kako bi mu isti obezbijedio na ovaj način visoke ocjene i dovoljan broj bodova za prijem na

konkursu za čin „policajac“, da bi dana 20.09.2021. godine nakon što je Odlukom Komisije za izbor kandidata – kadeta XI klase Granične policije broj [REDAKTIRANO] [REDAKTIRANO] nominovan za prijem na navedenom konkursu za čin „Policajac“, a što je Kenit Čakić i javio [REDAKTIRANO] te mu saopštio da odmah mora dati ranije traženi novca od 20.000,00 KM, da bi [REDAKTIRANO] istog dana na području Bihaća predao novac u iznosu od 9000,00 KM i 500 Eura Kenitu Čakiću, a drugi dio od dogovorenog iznosa odnosno 10.000,00 KM dana 22.09.2021. godine [REDAKTIRANO] je ponovo predao Kenitu Čakiću, koji novac je Kenit Čakić u skladu sa ranijim dogovorom, u noćnim satima na dan 23/24.09.2021. godine predao Rejhanu Rakoviću, a dio novca zadržao za sebe i to 10 novčanica u apoenima od 100,00 KM, na koji način su Rejhan Raković i Kenit Čakić za sebe pribavili dar u navedenim iznosima novca,

Rejhan Raković i Kenit Čakić

7. U periodu od avgusta mjeseca 2021.godine do 24.09.2021.godine, Kenit Čakić, nakon što mu je Rejhan Raković, po prethodnom dogovoru, dao podatke o kandidatu [REDAKTIRANO], koji je aplicirao na Javni oglas za prijem kadeta Granične policije za čin „Policajac“ i obavio test opšteg znanja i test fizičke spremnosti, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Kenit Čakić putem aplikacije Viber stupio u kontakt sa [REDAKTIRANO] i tražio mu da se sastanu na području Srednje Bosne, da bi se potom sastali [REDAKTIRANO] u Travniku, gdje mu je Kenit Čakić rekao da radi za ljude iz „vrha“ koji odlučuju o konkursu i da treba da plati iznos novca od najmanje 10.000,00 KM do 20.000,00 KM za posao u Graničnoj policiji po navedenom konkursu, na šta [REDAKTIRANO] nije pristao, da bi potom, nakon što je dana 20.09.2021.godine objavljena konačna lista nominovanih kandidata i [REDAKTIRANO] Odlukom Komisije za izbor kandidata – kadeta XI klase Granične policije broj [REDAKTIRANO] [REDAKTIRANO] nominovan za prijem na navedenom konkursu za čin „policajac“, Kenit Čakić ponovo pozvao [REDAKTIRANO], tražeći „da ga ne zaboravi“ jer su mu on i „vrh“ omogućili prijem na konkursu, na šta isti nije pristao,

Rejhan Raković i Kenit Čakić

8. U periodu od 06.09.2021.godine do 24.09.2021.godine Kenit Čakić, nakon što mu je Rejhan Raković, po prethodnom dogovoru, dao podatke o kandidatu [REDAKTIRANO], koji je aplicirao na Javni oglas za prijem kadeta Granične policije za čin „Mlađi inspektor“ i obavio test opšteg znanja, test fizičke spremnosti i intervju, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj

bodova za nominaciju za zaposlenje na navedenom konkursu, da bi potom Kenit Čakić sa telefonskog broja [REDACTED] pozvao [REDACTED] i pitao ga da li je navedenog dana bio na intevjuu u Graničnoj policiji i zatražio mu da se sastanu u Travniku, gdje su se i sastali, kada mu je Kenit Čakić zahtjevao novac kako bi mu „ljudi iz vrha koji odlučuju o konkursu“ obezbjedili dovoljan broj bodova da bude nominovan za prijem, pitajući koliko je spreman ponuditi novca za čin Mlađi inspektor u Graničnoj policiji, govoreći da 10.000,00 KM nije dovoljno ni za čin policajac, a ne za čin mlađi inspektor, na šta [REDACTED] nije pristao, te isti nije ni nominovan za zaposlenje po navedenom konkursu,

Rejhan Raković, Kenit Čakić i Armin Otuzbir

9. U periodu od jula 2021.godine do 24.09.2021.godine, Kenit Čakić, nakon što mu je Rejhan Raković, po prethodnom dogovoru, dao podatke o kandidatu [REDACTED], koji je aplicirao na Javni oglas za prijem kadeta Granične policije za čin „Policajac“ i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Kenit Čakić podatke o kandidatu proslijedio Arminu Otuzbiru, i sa istim dogovorio da stupi u kontakt sa kandidatom i od istog kandidata zahtjeva dar u vidu novca, kako bi kandidatu bio omogućen dovoljan broj bodova za nominaciju na konkursu, te je Armin Otuzbir po dogovoru sa Kenitom Čakićem putem društvene mreže Facebook stupio u kontakt sa [REDACTED] te ga pitao da li je aplicirao na konkurs u Graničnu policiju i zatražio mu da se sastanu, te kada su se sastali Armin Otuzbir mu je saopštio da je on kontakt veza ljudi iz Sarajeva koji odlučuju o konkursu, ali da bi prošao na konkursu mora da plati od 20.000,00 do 30.000,00 KM, da bi mu se omogućio dovoljan broj bodova, te je na sledećem susretu [REDACTED] Armin Otuzbir saopštio [REDACTED] da se čuo sa ljudima iz Sarajeva i da za siguran prolazak na konkursu treba dati 30.000,00 KM, na šta [REDACTED] nije pristao, te isti nije ni nominovan za zaposlenje po navedenom konkursu

Rejhan Raković, Kenit Čakić i Armin Otuzbir

10. U periodu od juna 2021.godine do 24.09.2021.godine, Kenit Čakić, nakon što mu je Rejhan Raković, po prethodnom dogovoru, dao podatke o kandidatu [REDACTED] koji je aplicirao na Javni oglas za prijem kadeta Granične policije za čin „Mlađi inspektor“ i obavio test opšteg znanja, i sa istim dogovorio od navedenog kandidata zahtjeva dar u vidu novca, kako bi Rejhan Raković u okviru funkcije i ovlaštenja predsjednika Komisije, preduzeo radnje koje ne smije izvršiti, na koji način bi kandidatu omogućio dovoljan broj bodova za nominaciju za zaposlenje na navedenom konkursu, da bi potom Kenit Čakić podatke o kandidatu proslijedio Arminu Otuzbiru, i sa istim dogovorio da stupi u kontakt sa kandidatom i od istog kandidata zahtjeva dar u vidu novca, kako bi

kandidatu bio omogućen dovoljan broj bodova za nominaciju na konkursu, te je Armin Otuzbir po dogovoru sa Kenitom Čakićem putem aplikacije WhatsApp stupio u kontakt sa [REDACTED] te ga pitao da li je aplicirao na konkurs u Graničnu policiju i zatražio mu da se sastanu, te kada su se sastali Armin Otuzbir mu je saopštio da je on kontakt veza čovjeka iz Novog Travnika, putem kojeg mu može završiti sigurno zaposlenje u Graničnu policiju, ali da bi prošao na konkursu mora da plati određeni novčani iznos, ne precizirajući tačan iznos, nakon čega ga je kontaktirao još nekoliko puta tražeći da se sastanu zajedno sa Kenitom Čakićem, navodeći da se novac mora dati „ljudima iz vrha koji odlučuju o konkursu“, na šta [REDACTED] nije pristao, te isti nije ni nominovan za zaposlenje po navedenom konkursu,

Rejhan Raković i Kenit Čakić

11. U periodu od novembra mjeseca 2021.godine do 24.09.2021.godine, nakon što je raspisan Javni oglas za prijem kadeta u činu „mlađi inspektor“ i činu „policajac“ Granične policije BiH broj [REDACTED], na koji oglas je aplicirao [REDACTED], i to za čin „policajac“, Rejhan Raković, u svojstvu službenog lica, kao predsjednik Komisije za izbor kandidata – kadeta XI klase Granične policije Bosne i Hercegovine (u daljem tekstu: Komisija), koji je na navedenu poziciju imenovan Odlukom direktora Granične policije broj [REDACTED], sa pravima i obavezama koja proizilaze iz ovlaštenja propisanih odredbom člana 51. Zakona o policijskim službenicima Bosne i Hercegovine, člana 10. Poslovnika o radu Komisije za izbor kandidata - kadeta XI klase Granične policije Bosne i Hercegovine broj [REDACTED] i broj [REDACTED] i odredbama članova od 2. do 12. Odluke o metodu, načinu i sistemu bodovanja testiranja kandidata za polaznike osnovne obuke prvog i drugog nivoa u Graničnoj policiji Bosne i Hercegovine broj [REDACTED] i Oduke o izmjeni Odluke broj [REDACTED], zahtjevao dar u vidu novca u iznosu od 10.000,00 KM od Kenita Čakića, kako bi u okviru funkcije i ovlaštenja predsjednika Komisije, preduzeo radnje koje ne smije izvršiti, kako bi [REDACTED] omogućio dovoljan broj bodova za nominaciju za prijem na navedenom konkursu, pa kada je Kenit Čakić pristao da Rejhanu Rakoviću da novac u iznosu od 10.000,00 KM kako bi [REDACTED] omogućio dovoljan broj bodova kako bi bio nominovan za prijem na konkursu, Rejhan Raković je preduzimajući radnje koje ne bi smio izvršiti ustupio Kenitu Čakiću pitanja i odgovore za pisani dio testa, a zatim i pitanja za intervju, svjestan i znajući da se bodovanje ostavrenih rezultata kandidata i njihovo nominovanje radi zapošljavanja vrši na osnovu rezultata testova koji su kandidati ostvarili za vrijeme održavanja testiranja, na koji način je omogućio [REDACTED] dovoljan broj bodova, na osnovu kojih je Odlukom Komisije za izbor kandidata – kadeta XI klase Granične policije broj [REDACTED] nominovan za prijem na navedenom konkursu za čin „policajac“, da bi potom Kanit Čakić u

skladu sa ranijim dogovorom, u noćnim satima na dan 23/24.09.2021. godine predao Rejhanu Rakoviću dogovoreni iznos novca u visini od 10.000,00 KM, na koji način je Rejhan Raković pribavio dar za sebe u navedenom iznosu novca,

Ivica Sabljo,

12. Tokom septembra mjeseca 2021.godine, Ivica Sabljo, u svojstvu službenog lica u institucijama Bosne i Hercegovine, u smislu člana 1. stav 3. Krivičnog zakona Bosne i Hercegovine, kao član Komisije za izbor kandidata - kadeta XI klase Granične policije Bosne i Hercegovine, na koju poziciju je imenovan Odlukom direktora Granične policije broj [REDACTED] kao policijski službenik Granične policije sa činom „Viši inspektor“ i kojem su u skladu sa odredbom člana 51. Zakona o policijskim službenicima Bosne i Hercegovine, člana 10. Poslovnika o radu Komisije za izbor kandidata - kadeta XI klase Granične policije Bosne i Hercegovine broj [REDACTED] i broj [REDACTED] i članova od 2. do 12. Odluke o metodi, načinu i sistemu bodovanja testiranja kandidata za polaznike osnovne obuke prvog i drugog nivoa u Graničnoj policiji Bosne i Hercegovine broj [REDACTED] i Oduke o izmjeni Odluke broj [REDACTED], data ovlaštenja da zajedno sa drugim članovima Komisije utvrđuju sadržaj testova uz odobrenje rukovodioca, da vrše provjeru stručne i druge sposobnosti kandidata kroz test opšteg znanja koji se sastoji od pisanog testa i eseja, zatim kroz test fizičke sposobnosti kandidata i intervju, te ovlaštenja da boduju ostvarene rezultate kandidata, i utvrđuju konačan rezultat za svakog kandidata na osnovu ukupnog zbira rezultata svakog od testova, te nominuju kandidate koji imaju najveći broj bodova, radi zapošljavanja u skladu sa oglašenim brojem slobodnih radnih mjesta, te nakon što je Komisija za izbor kandidata - kadeta XI klase Granične policije BiH raspisala Javni oglas za prijem kadeta u činu „mlađi inspektor“ i činu „policajac“ Granične policije BiH broj [REDACTED] koji je objavljen 23.11.2020.godine, na koji oglas je apliciralo i kandidat [REDACTED], te je Ivica Sabljo u cilju da kandidatu [REDACTED] pribavi korist u vidu omogućavanja dovoljnog broja bodova za nominaciju na konkursu, iskoristio navedena ovlaštenja člana komisije, znajući da kandidat [REDACTED] nije ostvario dovoljan broj bodova da bi mogao biti nominovan za prijem na konkursu na poziciju u činu „policajac“, te je u namjeri da navedenom kandidatu omogući dovoljan broj bodova, protivno navedenim odredbama, svjestan i znajući da se bodovanje kandidata vrši na osnovu rezultata testa koji je kandidat ostvario za vrijeme održavanja testiranja, te je Ivica Sabljo prije nego što je kandidat pozvan na usmeni dio testiranja odnosno intervju za dan 13.09.2021.godine, kandidatu dostavio preko njemu poznatih lica nepopunjen obrazac „Test opšteg znanja- Esej za kandidate koji su aplicirali za čin policajac“ poručivši mu da „malo popravi esej“, te nakon što je kandidat [REDACTED] napisao novi esej, sa istim dogovorio da navedeni esej ponese na dan kada mu je zakazan usmeni dio testiranja 13.09.2021.godine, da bi Ivica Sabljo navedenog dana pozvao Ensara Salčinovića, policijskog službenika Granične policije i dao mu broj telefona od kandidata

██████████ i upute da pozove navedenog kandidata i da od istog preuzme kovertu, što je Ensar Salčinović i učinio, te je ██████████ u blizini aerodroma Sarajevo, preuzeo kovertu od ██████████ u kojoj se nalazio esej koji je kandidat naknadno ispisao, da bi potom Ensar Salčinović u službenim prostorijama Granične policije predao navedenu kovertu Ivici Sablji, koji je koristeći ovlaštenja člana komisije bodovao navedeni esej sa 5 bodova, te isti esej u dosijeu kandidata zamjenio sa ranije ispisanim esejom, na koji način je kandidatu ██████████ pribavio korist u vidu omogućavanja dovoljnog broja bodova na testiranju, na osnovu čega je kandidat ██████████ Odlukom Komisije za izbor kandidata - kadeta XI klaase Granične policije broj ██████████ ██████████ nominovan za prijem na navedenom konkursu za čin „policajac“,

Dakle,

Rejhan Raković, s ciljem pribavljanja imovinske koristi, u svojstvu službenog lica, udružio grupu ljudi, radi izvršenja krivičnih djela propisanih Krivičnim zakonom BiH i to primanje dara i drugih oblika koristi, te posredstvom pripadnika grupe zahtjevao i primao dar za sebe, da u okviru svoje funkcije izvrši što ne bio smio izvršiti,

Ensar Salčinović, Kenit Čakić i Armin Otuzbir, postali pripadnici grupe ljudi sa ciljem učinjenja krivičnih djela propisanih Krivičnim zakonom BiH i to primanje dara i drugih oblika koristi, posredujući pri podmićivanju službenog lica, te **Kenit Čakić** pod tačkom 11. učinio dar službenoj osobi u institucijama BiH da za drugog u okviru svoje funkcije izvrši što ne bi smjela izvršiti,

Mirza Ramljak, učinio dar službenoj osobi u institucijama BiH da za njega u okviru svoje funkcije izvrši što ne bi smjela izvršiti,

Ivica Sabljo, kao službena osoba u institucijama BiH, iskorištavanjem svog službenog položaja ili ovlaštenja, pribavio drugom korist,

Čime bi,

Rejhan Raković, počinio krivično djelo Udruživanje radi činjenja krivičnih djela iz člana 249. stav 1. KZ BiH i krivično djelo Primanje dara i drugih oblika koristi iz člana 217. stav 1. KZ BiH u vezi sa članom 54. KZ BiH, a sve u vezi sa članom 53. KZ BiH,

Ensar Salčinović krivično djelo Udruživanje radi činjenja krivičnih djela iz člana 249. stav 2. KZ BiH i krivično djelo Primanje dara i drugih oblika koristi iz člana 217. stav 1. KZ BiH u vezi sa članom 54. KZ BiH, a sve u vezi sa članom 53. KZ BiH,

Kenit Čakić, krivično djelo Udruživanje radi činjenja krivičnih djela iz člana 249. stav 2. KZ BiH i krivično djelo Primanje dara i drugih oblika koristi iz člana 217. stav 1.

KZ BiH u vezi sa članom 54. KZ BiH, i pod takom 11. krivično djelo Davanje dara i drugih oblika koristi iz člana 218. stav 1. KZ BiH, sve u vezi sa članom 53. KZ BiH, **Armin Otuzbir**, krivično djelo Udruživanje radi činjenja krivičnih djela iz člana 249. stav 2. KZ BiH i krivično djelo Primanje dara i drugih oblika koristi iz člana 217. stav 1. KZ BiH u vezi sa članom 54. KZ BiH, a sve u vezi sa članom 53. KZ BiH, **Mirza Ramljak**, krivično djelo Davanje dara i drugih oblika koristi iz člana 218. stav 1. KZ BiH, **Ivica Sabljo**, krivično djelo Zloupotreba položaja ili ovlaštenja iz člana 220. stav 1. KZ BiH.

TUŽILAC TUŽILAŠTVA BiH